



Atuarfik Otto Frederiksen, Qassiarsuk  
Igalikup Atuarfia, Igaliku, Kujalleq

# Nunaqarfik saligaatsoq

## Qanoq iliorluta nunaqarfitsinni eqqakkat annikillisarsinnaavarput?

Sammisag aallartippoq Nunarsuarmioqatigiit Anguniagaat 17-it atuartunut ilisaritillugit. Sammisassa qulequtaalu pilersaarusiorneralu nassuiaatigineqarpoq. Brainstorm, atuartut eqqakkanut tunngasumik ilisimasaat suunersut paasinierneqarput. Eqqakkat pillugit nittartakkakut atuartut paasissutissanik ujartuipput. Eqqakkat pillugit videonik isiginnaarput. Atuisut aggersarneqarput pilersaarummik saqqummiussiffigineqarlutik. Eqqaaviit ikullaaviillu assiliartorneqarput. Assilisat nivinngarneqarput takusassianngorlugit aamma Ipadimi BookCreatorimi suliarineqarput saqqummiussassanngorlugit. Atuisut qanoq eqqakkanik isumaginnittarnersut paasinierlugu apersuiartornissaminut apeqqutini allattuipput. Savaatilinnut apeqqutit akisassat ilai x-sersugassat allattuiffissartallit suliarineqarput agguanneqarlutillu. Utertinneqarmata eqqartorneqarput. Apersugassat apersoriartorneqarput ukuusut: KNI Pilersuisoq, Nukissiorfiit, Napparsimaveeraq, Nunaqarfimmi Aqutsisut allaffiat aamma Cafe Thorhildur. Apersuinermi paasisat sukumiisumik misissorneqarput allatorneqarlutillu. Atuartut paasisatik eqqartorpaat. Atuartut eqqakkanik katersuipput atoqqissinnaasunik misissuillutik. Eqqakkanik immikkoortiteripput eqqartuillutillu.

Atuartut isumassarsiorput qanoq pitsaanerumik eqqakkanik isumaginnissinnaanersugut. Atuartut titartaallutik eqqakkanut assiliartassatut atorsinnaasunik siunnersuusiortut. Atuartut siunnersuusiortut qanoq iliorluta eqqaasernerput pitsannorsarsinnaaneripput. Siullermik atuartut eqqaavissanik titartaallutik siunnersuusiortut. Titartagartik aallaavigalugu eqqaaviliorput. Aamma atuartut ilaat Minecraft atorlugu eqqaanermut siunnersuusiaminnik suliaqarput. Atuartut siunnersuutaat atuisunut suleqatinut ingerlateqqineqarput. Assersuutigalugu KNI Pilersuisup eqqaani eqqaaveqassaseq aamma kimmivikunut immikkut eqqaaveqassasoq. Nunaqarfimmi ilaatigut eqqaaviit ikigineqarput taamammat nunap assinga atorlugu siunnersuusiortut eqqaaviit sumiissinnanerinut. Suliat naammassinerini atuartut naliiipput suliap qanoq ingerlasimanera pillugu. Naggataatugut atuisut aggersaqqineqarput atuartullu paasisatik suliatillu saqqummiuppaat. Sammisaqarnerup ingerlanerani ullut tamaasa atuartut logbogertarput aamma ippassaammagit sulerisimanerlutik killiffissiorlutik. Atuartut sulinerminni kisimiittarlutillu suleqateqartarlutillu sulipput.



12 ANSVARLIGT  
FORBRUG  
OG PRODUKTION



12

ATUARTUT NUKARLIIT AKULLILLU

48

NALUNAAQUTTAP AKUNNERI ATUARTITSIVIIT

2

SAPAATIP AKUNNERI

ATUISUNUT AVATITSINNIIT-  
TUNULLU SULEQATEQARNEQ

Suleqatissat attavigineqarput tassaasut  
Kujataani Tekniskforvaltning aamma  
UNESCO Site Manager amma Ranger

KNI Pilersuisoq

Nunaqarfimmi Aqutsisut allaffiat

Napparsimaveeraq

Nukissiorfiit

Savaatillit

Matematik  
Pinnngortalerineq  
Qallunaatut  
Kalaallisut Iniaqatigilerineq

Atuartsinissamut pilersaarusi at allat  
takukkit isumassarsiorfigalugillu

AKTION  
VERDENSMÅL



- Meeqqat isumaat tusarluarniarneqassasut.
- Atortussat suussanersut eqqarsaatigilluarneqareersimassasut.
- Sammisaqarnermi sumiiffik aallavigalugu piffissap tulluurtuunissaa.

**Utertitsiffigineqarnek & tupaallannartut** | Sammisap ingerlanerani atuarfiit marluk immikkooraluarluta atuartut isumassarsiaat assigiikannerfeqarneri, immitsinnut takutitsinnikkaluarluta sulinerluta tupaallannartoqapoc. Assersuutigalugu eqqaavinnut isumassarsiat titartarnerini isuma eqqarsartaatsillu assigiikannerfeqarneri, soorlu Igalikumi isumassarsisoqarpoq batterinut eqqaaviussallutik taamatullu Qassiarsummi aamma taama pisoqarpoq. Titartakkani eqqaaviit qanoq isiikkoqarsinnaanerini takorluuinerminni titartakkat assigiimmik isumallit saqqumerput. Aamma atuartut atuarfinit taakunaniit isumassarsiaat assigiipput soorlu nuna assinga atorlugu eqqaaviit nalunaaqutsersorlugit inissinneqassasut. Atuartut isumassarsiullaqqeqaat siunnersuusiullaqillutillu.

### **Pitsanngorsaatisatut siunnersuutit**

- Sammisaqaqatigiit paarlaateqatigiissinnaanerit piviusunngortinnissaa aqutissiullugu. Taamatut sammisaqaqatigiinnermi pilersarusiornissamut piffissaq annertunerusoq atortariaqassaaq sukumiinerusumik piareersassagaanni. Soorlu fagit suut ilaasanersut sukumiinerumik pilersarusioreerlugit. Sammisaqaqatigiinnermi immitsinnut attaviginerusinnaalluta, ullut tamaasa naliliilaartarluta uani pivarput ilinniartitsisoqatigiit.

### **Atuartitsinermi atortussat**

<https://www.affald.dk>  
<https://www.skoven-i-skolen.dk/affald>      <https://heleverdeniskole.dk/>  
 plastic not so fantastic grønland billeder i Google      Youtube trash  
[https://www.kujalleq.gl/Emner/Borger/Teknik\\_og\\_miljoe/Affaldshaandtering/Affaldshaandtering\\_Generelt\\_om](https://www.kujalleq.gl/Emner/Borger/Teknik_og_miljoe/Affaldshaandtering/Affaldshaandtering_Generelt_om)



**Atuartitsinerup ingerlannissaanut pilersarusiortut**

Lillian Møller  
[igalikup.atuarfia@attat.gl](mailto:igalikup.atuarfia@attat.gl)

Ellen K. Frederiksen  
[atubratt@outlook.com](mailto:atubratt@outlook.com)

